

卷之八

兵防

營制 祿餉 壯勇兵附

馬匹軍器

狼兵

鄉勇民

家久道化成寰宇鏡清方隅砥平而奚事於兵曰  
以為防也詰戎講武盛世不廢陽春處東西二山  
之中界連數邑昔所謂雲浮之野猺獠叢焉弄兵  
潢池如在衽席者今雖耕恬鑿熙晏然無事然荏  
苒之警容或竊發與其已然而殄之孰若未然而  
弭之士不必擐甲而營政不可以不肅野不必援  
炮而奸宄不可以不詰陸讐水慄罔或弗靖民氣  
樂而兵氣銷焉志兵防首述營制次以祿餉馬匹

陽春縣志

卷之八

兵防

軍器隸以狼兵備矣抑古者寓兵於農鄉勇民壯  
方兵之設似為近之干城之選安知不出於兔置  
野人乎

營制

陽春在唐屬高涼郡將軍馮盎平高涼茲地實統  
於盜其兵防未能詳也元至正間則有管軍千戶  
所鎮守官明洪武三十一年知縣趙清奏調撥神  
電衛後千戶所官軍一千名鎮守是為守鎮千戶  
所我

初定鼎裁去衛所設立城守營官兵分設塘汛布置

得宜矣順治十七年始設春江營改陽高遊擊爲春江遊擊調高明千總一員兵二百九十九名分防陽春 康熙元年奉遷沿海居民入內地設立邊界墩臺 康熙三年復遷近海居民改春江遊擊爲春江叅將改中軍守備爲中軍都司設左右營守備二員千總二員把總六員增兵五百名以左營陽春營守備領兵四百九十九名分防陽春 康熙八年展復海界以邊汎遼遠裁海安兵五百名撥入春江營改春江叅將爲副將鎮守春江恩開四縣兼轄那扶中軍都司一員左右營守備二

員千總四員把總八員除陸續奉文抽防饒平博羅增城廣州新城外實尙存兵一千九百二十五名 康熙二十三年海氛平靖海禁大開從前奉遷海島居民悉令復業更定營制春江協營實額官一十六員馬步戰守兵一千四百六十名

康熙四十一年題明協營應抽馬戰兵三名步戰兵三名守兵一十八名將名糧撥歸三江口協招募鄉勇驗補充額外尙存額官一十六員馬步戰守兵一千四百三十六名內馬戰兵一百四十二名 雍正七年裁馬戰兵十二名改設外委千

四員外委把總八員實存馬戰兵一百三十一名  
步戰兵二百八十九名守兵一千零四名 雍正  
九年以左哨二司把總移駐陽江城其原駐防黃  
坭灣茶園曹垌牛軛曲各汛撥歸羅定協左營管  
轄 乾隆四年復更營制議將分防北額汛右哨  
千總撥歸陽江城巡防其左哨二司把總移撥鷺  
公汛將原防鷺公汛之右哨二司把總轉撥北額  
汛防守 乾隆二十二年以馬戰兵十二名改爲  
步戰兵將馬撥歸右翼鎮中右二營 乾隆三十  
五年裁守兵一名 乾隆四十七年裁馬兵十名  
一十五名公費刪除

步戰兵五十一名守兵八名又將公費步戰兵糧  
按春江協左營屬陽春陸路右營屬陽江水師其  
兵馬養廉節奉裁改外實尙存馬戰兵一百二十  
一名步戰兵二百五十名守兵九百九十五名  
嘉慶十五年廣東添設水師提督區分水陸奏將  
左翼鎮改爲陽江鎮將原設春江協副將改爲海  
口協將原設中軍都司改爲陽江鎮中軍遊擊其  
原設春江協左營守備本屬陸路駐防陽春縣城  
只將所屬左營官兵改爲陸路陽春營是年改馬

兵三十五名爲步戰兵抽步戰兵二十二名守兵  
八十八名移撥化石營又以左哨外委千總一員  
馬糧撥歸陽江鎮左營復將太平北額二汛守兵  
一百二十四名撥歸陽江鎮操防 嘉慶十六年  
將太平北額二汛臺外委把總二員本身馬糧二  
名並馬兵九名撥歸陽江鎮左營管轄後奉文將  
二汛臺原防把總二員外委把總二員撥歸陽江  
鎮水師 嘉慶十七年將太平北額二汛臺步兵  
二十七名並前十六年所撥官兵俱歸陽江鎮水  
師管轄其新設陽春營撥歸高州鎮統轄復因竊

遠誠恐難長莫及改歸肇慶協統轄 嘉慶二十  
二年改馬兵五名爲守兵添設額外外委二名只  
將馬兵內技補實外委千把總馬糧三名額外外  
委馬糧二名 嘉慶二十三年裁步戰兵一名水  
師二名赴水師提標募補續奉行文將本營右哨  
千總一員外委千總一員撥歸陽江鎮左營水師  
巡防

又按陽春左營 嘉慶二十八年原額設官九員內統轄  
副將一員中 一員本營守備一員千總二  
員把總四員 守兵共七百一十八名

內馬戰兵連外委本身馬糧共九十二名步戰兵一百二十九名守兵連字識共四百九十七名嘉慶二十四年節奉裁改外陽春營實額馬步戰守兵三百五十七名內除外委本身馬糧三名額外外委本身馬糧二名實馬兵十三名步戰兵六十名守兵二百七十九名共三百五十二名

駐防陽春縣城守備一員千總一員額外外委二員馬步戰守兵一百三十六名字識九名

分防平坦汛目兵四名

分防瓦蓋汛目兵四名

陽春縣志

卷之八

兵防

五

分防那烏汛外委千總一員目兵七名

分防松栢汛目兵三十名

分防大錨灣汛目兵二十名

分防交岡汛目兵十名

駐防黃坭夾川山寺平坦高流水牛岡墳南門三家店山口等八塘每塘設兵四名專司郵遞

右城池塘汛一十五處千總一員專管外委一員總一員協防

駐防那旦汛頭司把總一員目兵二十八名字識一名

分防潭水汛頭司外委把總一員目兵九名

分防下壠垌汛目兵四名

駐防岡尾塘那旦塘每塘設兵四名耑司郵遞

右塘汛五處頭司把總一員專管頭司外委把

總一員協防

駐防鷺公汛二司把總一員目兵二十八名字識

一名

分防那黃汛二司外委把總一員目兵一十一名

添設荆山逕汛目兵五名

乾隆三年春江右哨二司把總李國華呈稱汛

屬之荆山逕距汛寫遠密莽深菁綿亘數十餘里並無人烟議於逕中添設一汛撥兵駐守可

陽春縣志

卷之八

兵防

六

以衛民弭盜嗣經春江協鎮左營守備楊奉批查覆屬實七年六月遂准添設

右汛防四處二司把總一員專管二司外委把

總一員協防

凡城池塘汛二十四處千總一員把總二員外

委千把總三員額此外委二員兵丁三百四十

一名字識一十一名俱屬陽春營守備總管

陽春左營管轄撥防陽江縣城者千總一員外委

千總一員目兵二百四十二名隨巡海洋並無地

方防守

陽春左營管轄分防陽江縣屬者太平城汛右哨

頭司把總一員舊志目兵二十名百歲墳汎外委把總一

員舊志目兵八名清湖汎舊志目兵七名蓮花汎舊志目兵七名儒垌汎

舊志目兵八名由子汎舊志目兵七名雙墳汎舊志目兵一十一名

分設清湖蓮花茶亭大墟麻總太平潭竹蒲排由

子車田十塘塘兵耑司郵遞

陽春左營管轄分防陽江縣屬北額砲臺等汎若

北額砲臺汎右哨二司把總一員舊志目兵三十四名施村

汎外委把總一員舊志目兵八名福烏汎目兵七名

按撥防陽江千總外委並太平北額砲臺塘汎

把總外委雖屬陽江地方官兵但係陽春左營

陽春縣志

卷之八

兵防

七

管轄故仍詳載至陽春縣屬黃坭灣汎牛輓曲

汎茶園汎曹垌汎官兵已撥歸羅定茲不備書

祿餉賞卹附

守備一員歲支俸銀一十八兩七錢零六釐薪銀

四十八兩蔬菜燭炭銀一十二兩心紅紙張銀一

十二兩養廉銀二百兩共銀二百九十九兩零七錢

零六釐

千總一員歲支俸銀一十四兩玖錢六分四釐八

毫零四忽薪銀三十三兩零三分五釐一毫九絲

陸忽養廉銀一百二十兩共銀一百六十八兩

把總二員每員歲支俸銀一十二兩四錢七分一釐薪銀二十三兩五錢二分九釐養廉銀九十兩共銀一百二十六兩二員共銀二百五十二兩外委千把總三員每員歲支養廉銀一十八兩每員歲支餉銀二十四兩三員共支銀一百二十六兩

額外外委二員馬兵十三名每員名歲支餉銀二十四兩共銀三百六十兩

步戰兵六十名每名歲支餉銀一十八兩共銀一千零八十兩

守兵連字識共二百七十九名每名歲支餉銀一十二兩共銀三千三百四十八兩

陽春營外委千把總三員額外外委二名及馬步戰兵連字識共三百五十七名每名歲支糧米三石六斗共糧米一千二百八十五石二斗內於陽春縣領支本色米一千二百三十七石一斗一升八合九勺尙缺米四十八石零八升一合一勺每石折銀七錢共折銀三十三兩六錢五分七釐原在督糧道處請領

本營兵丁三百五十七名每百名歲計紅白賞恤



銀四十六兩五錢五分一釐歲共支銀一百六十一兩六錢八分八釐

一兵丁娶妻紅銀三兩二錢

一兵丁娶媳紅銀一兩六錢

一兵丁嫁女紅銀一兩六錢

一兵丁祖父母故白銀三兩二錢

一兵丁承重祖父母故白銀六兩四錢

一兵丁父母故白銀六兩四錢

一兵丁本身故有家室者白銀四兩無家室者白

銀二兩四錢

陽春縣志

卷之八

兵防

九

一兵丁妻室身故白銀一兩六錢

一兵丁三百五十七名每百名歲計公費銀三十

六兩每歲共支公費銀一百二十八兩五錢一分

此項銀兩以遞年分春秋兩季向藩庫請領回營

備支

馬匹軍器

陽春無馬政考之營制係於通省兵丁按照名冊

分別扣除名為棚扣統歸藩庫遞年酌派各營

補馬匹等用盈絀例無增減截長補短是在經

官會計度支焉

守兵每名每月扣銀三分

一步戰兵每名每月扣銀五分

一馬戰兵每名每月扣銀一錢

一本營各官自備坐馬十匹 有糧料無馬價

一外委連騎戰操馬十八匹每匹准領馬價銀十八兩每年准買補三匹

本營戰坐馬二十八匹春冬二季每匹每月支料米九斗草三十束夏秋二季每匹每月支料米六斗草三十束每匹歲支料米九石共料米二百五十二石每石折銀七錢共銀一百七十六兩四錢

陽春縣志

卷之八

兵防

十

每匹歲支草三百六十束每束折銀七釐共銀二兩五錢二分每年馬乾草料共銀一百七十八兩九錢二分

軍器凡弓箭七十八副鳥鎗一百九十六桿籐牌三十面牌刀三十口挑刀二十把銅事件腰刀七十八張鐵事件腰刀二百零四張長鎗二十三桿

狼兵

雲永營狼總一名狼兵九十三名陽春東安分界處所立寨因石鷺分界等村莊居住明天順間寇賊盤踞殺戮村民調廣西狼兵三千餘名前來

剿平賊有功留日兵九十三名把守羅定東安陽  
春三岐隘口卽將賊踞荒土共該稅米二十五石  
給與開墾自耕輸將

鄉勇民壯弓兵附

各堡村莊自行公議設立鄉勇看守地方通年赴  
縣驗充大堡設鄉勇一人壯丁五六人小堡設鄉  
勇一人壯丁二三人設法晝夜巡查或一年或兩  
年更替

縣屬民壯原額五十名雍正十三年奉裁二十名  
乾隆十五年又奉裁五名實民壯二十五名

陽春縣志

卷之八

兵防

十一

古良司民壯四名雍正九年查議司屬係要添設  
民壯四名專司緝捕

古良司弓兵二名

黃坭灣司弓兵一名